

kiatuturu mucimuru manu takuisi

'esi na ciciri cimuru, 'una ucani niarupaca karu kamanungu tanasa.
tanasa **isua**, **monon** 'inia takuisi cina mataa manu in takuisi ti'ingai.
patimanungun cina in miacara manu **isua**. aratatia cu takuisi ti'ingai. 'una
ucani taniara. **pakasiun** cina takuisi ti'ingai: "manu! aratatia cu kasu. tia cu
kasu kiatuturu putukio. takacicini cumacuvuru. sii ka'anu ku **tuni** makasia
miacara kasua matarava nuari." musu'u'uvu manu marivari: "uu'u cina!
makasuin ia, neni tia kamanungua soni?" **pakasiun** cina in: "mu'uru'urua pa
tumatacucu nimuna cunu isi. mukusa vutunu tamna tanasa." makacang
takuisi ti'ingai mara cunu **isua**, musu'u na 'aniacanga pusu'anu, makari cina
in, arapipiningi cu ku, misee!

vutunu tamna tanasa ia, 'esi na **timcara** cimuru. noo tiain mukusa 'inia,
tia pa maica 'akia **cungkucu** nungnung. mupara ucani cimuru. **tuni** cu
makacukuna. tia mu'uru'uru takuisi ti'ingai maica 'akia cungkucu
nungnung. mataa nipusu'anu ucani nimunua, tia vua vutunu cunu.
pacupungu! tia makananu musiparu? kesoniun kee 'apasu mataa 'arasakai,
tuni kara kamu mava 'ikua musiparu? ka'anu! me'icunu curu kasu! tia
miakaka kimia 'uma'atipi. mataa nima'unu kasu maringuna cunu. tia

musutavuru **murupu**. **ikamu** takuisi saihi maica 'itu'itunu. 'una nesa macasu
to'umangu, arao patakuviri na nungnugn. **tuni** cu maica 'inia. 'apaica kari ni
sua takuisi ti'ingai. cucuruava! ka'anu rangrang matarava cu sipara.

macuvungu, tia cu mupara cimuru. mucuri 'inia takuisi pacupungu,
ia'aa! cucuruana marungucai cimuru isi. tia kara ku **tuni** maica 'inia?
matunusu ucani rituka. kesoniun takuisi, **tuni** kara uparaun sua cimuru isi?
marivari rituka, ka'anu rangrang! tantaniara ku maica 'inia. pacupungu
takuisi, makasia marungucai, cucuru kara nguain paira maica 'inia?
matunusu manu vavuru, makacang kesoni 'inia. marivari vavuru,
cucuru 'apitaru! nimaica ku 'inia miura, natia cu matapari'i 'itu'itunu!
tumatimana manu takuisi, makacang pui'i tanasa.

'apu'iarun cina in makari. 'akuni makai tupi'i tumatimana kari cau.
takacicinia patanamu. koo pa tanamu, ka'anu pa **tavaru'un** tia kara kasu
sumacukuna? mucana masini, maka'unaa pa tanamu! tinakacicini manu
takuisi kipatusu mucimuru. 'apaco'e avuran kavangvang tina'an, nakai
marivivini tinacucu kee cunu **isua**. makacukuna na tanasa vutunu.

學爬山的小羊

山腳下住著山羊媽媽和小羊。媽媽說：「請你將這捆青草送去高山上的鹿先生家！」小羊把青草揹在肩上，向媽媽道別後出門。

小羊來到一條溪流，他問水裡的蟹蝦能背他過去嗎？說那裡有竹子，可以拿來橫放在溪流的兩端走過去，小羊照做，果然到了對岸。

到了那座山，小羊心想：「山這麼高，爬得過去嗎？」牠問兔子：「這座山可以爬過去嗎？」兔子說：「不難！我每天爬兩、三次！」小羊想：「山這麼高，怎麼可能爬這麼多次？」牠去問小山豬，小山豬說：「很危險，我昨天差點滾下來！」小羊聽完就轉頭回家。

媽媽問：「你怎麼又把青草揹回來？」牠說：「兔子說山很好爬，小山豬說山很危險，我看山那麼高，實在很害怕，就回來了。」媽媽說：「不要盲目聽別人的話，要學著自己去判斷該不該做，你再去試試！」

小羊靠著自己努力，雖然爬得全身是汗，最後還是把青草送到鹿住的地方。